



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Novak Djokovic in hruina chang-IP4

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/84

Churachandpur

email : hmasawannatharnews@yahoo.com

Phone : +91-3874-236846

Rs 6/- per copy



CHANCHIN LAKTAWI

Children's retreat 2016

CCPUR: January 9-13, 2017 inkar sung khin HSA Campus, Rengkai, CCPur hmunah Children's Retreat, Churachandpur- 2017 huoihawt ning a tih. Children's Retreat hi Saptawng (English) a programme hmgang ning a ta, Siemat, Khawmawi, Saidan, Saikawt le Muolbem haia inthawk hi programme-a thang ding hai ta ding motor infetir a ni ding a nih.

Hi Childrens retreat programme-a thang nuom le chanchin chieng lem hre nuom han +91 7627918932 ah biekt hei ning a tih. Chun, Wednesday, Thursday le Friday zan dar 5:30 haiah Youth Service nei ni hlak bawk a tih.

Malaria PF pakhat

CCPUR: District Malaria Department, CCPur chun December, 2016 thla sung khan damnaw mi 1090 hai thisen lain an enfel a, hieng hai lai hin Malaria invawi 4 an hmu a, hi laia pakhat chu Malaria PF a nih.

Photography thuah workshop nei

CCPUR: Zani 10:30AM khan Rayburn High School Computer Laboratory ah Photography le Post Processing lightroom le inzawmin workshop nei a nih. Hi huna hin Ginzalal Vualzong, Web/Graphic Designer-Photographer resource person in a thang a, Adobe Lightroom chungthu hrihrietna a nei

IPPI thuah review meeting a um ding

CCPUR: January 6, 2017, 10:00AM khin Family Welfare Services, Manipur Conference Hall-ah Manipur-a Districts 16 haiah Intensified Pulse Polio Immunization/ National Immunization Day (IPPI/NIDs), 2017 hlawtling taka nei a ni theina dingin one Day State Level Review cum Preparedness of IPPI 2017 um a tih. Hi huna hin District tina Chief Medical Officers, DFWOs le Dist. Immunization Officers hai chu thang seng dingin Director, FHW, Manipur in an hriettir. IPPI First round hi January 29, 2017 a nei ding le Mission Inradhanush Feb. 7, 2017 a nei ding a nih.

NHM meeting

CCPUR: January 4, 2017, 11:00AM hin NHM Conference Hall, Imphal hmunah State level NHM meeting um a tih. Hi huna hin RMNCHA, CMOs le DPMs hnuoia SNOs hai chu thang seng dingin State Mission Director/ Director, (Health), State Health Society, NRHM, Mainipur chun an hriettir.

GAS NEWS

Agency : KIM JOE
Booking : 2nd. Oct. 2016 to 2nd. Nov., 2016
Delivery : 04-012016 (WED)
Time : 8:00AM - till stock
STOCK : 250
New Rate: Rs.737/-bring exact
DBC & 19 kg. available

Manipur chungchangah Home Ministry in ECI kuomah report a pek; Manipur CM team in New Delhi an pan

IMPHAL: Union Home Ministry chun tulaia Manipur ngirhmun chungchangah December 31, 2016 khan Election Commission of India (ECI) kuomah report a pek a, chu report a chun zalen le thienghlim takin Manpur-ah Assembly election nei a remchang hmel naw thu a hril. States dang 4, Uttar Pradesh, Uttarakhand, Punjab le Goa haia chun Law & Order ngirhmun a tha a. Election zalen le thienghlim taka nei thei ning a ta, Manipur a ruok chun UNC Economic Blockade hun sawt takel a um ta lein Law & Order ngirhmun a chiengkuong nawh a, sawrkar cheltu pahni an um ang a nih tiin report a pek nia hril a nih.

Union Home Ministry in ECI kuoma report a pek thu hi January 1, 2017 khan Manipur sawrkar hung inhriettir a ni a. Hi thu an hriet le inruol hin CM O.Ibobi Singh inrawinain emergency Congress Legis-



lature Party (CLP) meeting nei nghal a ni a, hi meeting a hin ECI, President le Sonia Gandhi hai an rang thei ang taka hmu ni rawhai seh tiin an rel a. Hi dungzui hin CM team chu zanikhan Imphal suoksanin New Delhi an pan. CM team a hin Dy. CM, Cabinet ministers, Parliamentary Secretaries le Congress MLA-hai, an rengin mi 52 an tling niin ei thu dawngna chun a hril. CM

Team hin ECI, Union Home Minister le India President hai chu Manipur-ah President Rule puong lo dinga ngenna a hawna zu nei an tum nia hril a nih.

Hieng laizing hin Manipur Governor Dr Najma A. Heptulla le CEO, Manipur hai khawm New Delhi-ah an cham mek. Dr Najma A. Heptulla chun zanikhan Union Minister of State (Independent Charge) for

DoNER, PMO, Personnel, Public Grievances, Pension, Atomic Energy and Space Dr Jitendra Singh an hmupui a, tulaia Manipur ngirhmun a hmu dan le thurawn a neihai chungchang an tlun. A thu hril hai chu sawrkar thlungpuia lukhaituhai kuomah an tlun dign thu Dr Jitendra Singh chun Dr Najma Heptulla kuoma a lo hril. Chun, Manipur chungchang an

ngaimaw thu, thangpuina le thurawn tha state sawrkar an lo pek ta hlak thu le a tul ang peia thu an inhriplaw pei dign thu Dr Jitendra Singh hin Governor kuomah a lo hril bawk.

Union Home Ministry chun Manipur ngirhmun chungchangah Election Commission of India chu ama ngeia thil um dan enfel a, Election nei thei a ni ding le ninaw ding chu chu assessment thaw dingin a hril. Union Home Ministry ngaidan chun Manipur ngirhmun chu a tha nawin a se hle a nih.

UNC Economic Blockade hlak chu a la fe pei a, vawisun hi UNC in Manipur state sunga National Highway haia Economic Blockade an thaw ni 64 zet a tlingna ding a ni tah. Manipur President Rule a puong a ni vai chun Assembly Election chu ta inthawk thla 3-4 hnung velah nei thei a hung ni chau ding a nih.

Senapati a Police le mipui inbeituonah mi 8 an hliem



IMPHAL: Zani sun dar 11 vel khan man le lungina khum UNC thuoituhai insuo dinga ngennain Senapati District Headquarters-ah mipuiin sawrkar office kai dinghai Mini-Secretariat tuolah an dang a, hi huna hin Police le mipui an inbeituo a, Police han mipui hnawthman-

gna dinga tear gas shell le Mock bomb an kap khum lein nuhmei 3 thangsain mi 8 an hliem a, District Hospital, Senapati panpui an nih. Hliembai laia pakhat chu a hliem na deua hril a nih. Buoina lien lem a suok le dangna dingin Senapati le Kangpokpi haiah Cr.P.C. 144 zam a nih.

Assembly Election-ah Paramilitary personel 85000

IMPHAL: States 5 haia Assembly election hung um dinga hin venghimna sin thaw dingin paramilitary personel 85,000, State police forces le IRB Companies 100 hmgang ning an tih tiin Union Home Ministry thusuok

chun a hril. States 5 haia Assembly election hung um dinga venghimna sin thaw dingin paramilitary personel 1,00,000 pe dingin Union Home Ministry kuoma states 5 sawrkar han an ngen a nih.

Trucks 1000 vel an intang

IMPHAL: Manipur mipui mamaw chi tum tum phur Trucks 1000 vel Jiribam-ah Security Escort ding ngahkin an intang mek niin ei thu dawngna chun a hril. Hieng

laizing hin zani zan dar 6 a inthawk khan District Magistrate, Jiribam in thuthar um nawk hmakhata dingin Jiribam District huop sungah Cr.P.C. 144 a puong.

Health Scheme hnuoia thangpuina dawng dinghai

IMPHAL: Directorate of Minorities & Backward Classes (MOBC), Manipur hnuoia kum 2012-13 sunga Health Scheme hnuoia thangpuina dawng ding hai 3rd phase) hming list puonglang a ni ta a,

hming list hi Directorate of MOBC Notice Board-ah an thei dinga tar a nih. Thu chieng lem Scheme Officer (Health Scheme), MOBC Department kuomah ngaiven ding a nih.

Electoral Roll thuah Addl. CEO rawiin meeting nei



CCPUR: January 3, 2017, 1:00PM khan BRGF Resource Centre, DC Office, Tuibong, CCPur hmunah Electoral Roll Revision thuah Mr RK. Dinesh, IAS, Additional CEO, Manipur inrawinain meeting nei a nih. Hi huna hin Electoral Roll Special Summary Revision 2016 huna hmun pakhat neka tama vote nei, anni dithlangnaa Form 6 hmanga Application pekl-

ta um hai enfelna nei a nih. Hi meeting huna hin Mr Lunminthang Haokip, IAS, DC/DEO, CCPur; Mr Soiminlen Lengen, CEO/ADCC; S. Thienlaljoy Gangte, AC, OSD (Election), Churachandpur le Sujata, Computer Programmer, State Election Office, Manipur bakah Churachandpur District sung a Block tum tuma SDO/AEROs hai an thang tawl.

Nuhmei pakhat a thisaa hmu

CCPUR: January 2, 2017, zantieng 1:00PM vel khan Tanguam thlanmuol-ah nuhmei pakhat thisa ruong hmu a ni a, mithiruong hmu um hi a hnungin Ms Semneihkim (35), d/o (L) P Lunghokam a nih hriet a nih. Ama hi hun iemanichen lietmaa kha Kolasib, Mizoram-a inthawk CCPur a hung inzai, In tlung lova Tanguam thlanmuola a thisaa hmu a nih. Ms Semneihkim hi Kolasib-a a pasal le um, Christmas le Kum thar inkar-a Kolasib tieng

pan nawk dinga in insiem nia hril a nih. A pasal leh nau 2 nei tah a nih. A thi nasan le a thi dan chieng taka hriet a ninaw lein District Hospital Morgue-ah a ruong zankhat sie a ni hnungin zani sun dar 10:30 khan Imphal-a Postmortem thaw dinga phur daw a nih. Mita hmuu hai hril dan chun Semneihkim hi a ringru a zawi vawng niin an hril. Hi thina le inzawm hin CCPur Police han Unnatural Death case an registered.

HLS Manipur Annual meet



CCPUR: Hmar Literature Society (HLS) OB le Executi member han December 31, 2016, 11:00AM khan Pu S.N. Ngurte chengnain Rengkai Road, CCPur hmunah annual meet neiin thingpui dawntlangna an nei. Hi huna hin tulai thangthar hai laia thuziek thiem Pu

Lallungawi le Samuel Zothanglien @ SZ Zote hai special chu special invitee-a fiel an ni angin an zu uop ve. Hi huna hin HLS OB le Executive members han Hmar tawng ziek dan chungchang bakah Hmar Literature suk hmasawn dan ding hai hriin inpawhlimna an nei.

CM le Home Minister lim an raw

IMPHAL: Joint Committee of Inner Line Permit System (JCILPS) Student's Wing chun Manipur a Inner Line Permit System (ILPS) hmgang nawk dinga ngennain zanita inthawk khan nuorna an sunzawm tan nawk. JCILPS Women's Wing chun zanikhan Naoriya Pakhang Lakpa A/C MLA chengna In, Keishamthong A/C MLA Laishom Ibomecha chengna In le Keishampat a Manipur Assembly Speaker Th. Lokeshore Singh chengna In hai an va khekhum. Bishnupur District-a Moirang le a se vel haia khawm ILPS ngenna le inzawma nuorna



hi sunzawm nawk a nih. JCILPS students Wing chun zani 12:45PM vel khan CC Higher Secondary School tuolah CM O.Ibobi Singh lim siemfawm le Dy. CM bakah

Home Minister Gaikhangam lim siemfawm hai an raw. G.P Women's College le Kwakeithel haiah khawm zani 2:30PM vel khan CM O.Ibobi lim siemfawm raw a ni bawk.

Kangchup PS hawng ding an dang

IMPHAL: Kangpokpi District sunga Kangchup Police Station chu zanikhan hawng tum a ni a, sienkhawm Imphal West District huop sunga um Khurkhuil, Singda lei Leimakhong a cheng han an remti naw lein an dang a, hi lei hin Kangchup Police Station hawng ding chu thul pha a nih.

hi sunzawm nawk a nih. JCILPS students Wing chun zani 12:45PM vel khan CC Higher Secondary School tuolah CM O.Ibobi Singh lim siemfawm le Dy. CM bakah

Ralthuom leh KCP cadre Iman

IMPHAL: K. Meghachandra Singh, Additional SP (Operations), Imphal East le a rawi han zani hmasa sun dar 11 vel khan Bamon Kampu Mayai Leikai-ah KCP(MC) cadre pakhat Akojom Khamba Singh (45), s/o (L) A.K. Mani Singh of Bamon Kampu Mayai Leikai chu point 32 Pistol 1, a mu 2, Hand Grenades 3 le Detonators 4 leh an man niin Police thusuok chun a hril.

dam an nih. Kum tieng lo upa deu tahai sienkhawm an rawl a la tar naw a, anla thiemzie an suklang ding a nih. Ei hlasakthiemhai laia a ruol-u chawimawi thei vena a nih ti hria mitin thang seng dinga fiel ei nih. Ticket free ning a ta, sienkhawm hi Concert buotsainaa hin sum seng a tul ding a ni lein thangpuina dawng ning a ta, mani phal ang tawk seng pek thei ning a tih tiin Organizing Committee thusuok chun a hril.

January 5-ah Concert a um ding

CCPUR: January 5, 2017 zantieng dar 5:30 a inthawk hin Rengkai bazar-ah Concert a um ding a nih. Hlasak dinghai chu, Mary Jones (Haire Hai), Lalsangliem Zote (Haire-Hai), S.P. Zote, Nienglawmkin Sungte, Vanlalhriet, Lalzarlien Zoute, Zaituokung, Lien Shakum, Ramhluolien le Boris Ramngahkmawi hai ning an tih.

A chungsa hlasakthiemhai hi ei hnam sunga Casette lo siem hmasa le Casette lo siemrawn tak hai

CCPur Police OC dingin Inspector B. Rishikesh Sharma

CCPUR: Churachandpur Police Station a OC sin chel lai mek Inspector N. Thangzaman hin April 13, 2015 a inthawka OC, CCPur Police Station sin lo chel ta a ni a, nikhat-nihni hnunga Kangpokpi PS OC dingin va zawm tang a tih.

Bishnupur chu OC, CCPur Police Station thar dinga ruot a nih. Inspector N. Thangzaman hin April 13, 2015 a inthawka OC, CCPur Police Station sin lo chel ta a ni a, nikhat-nihni hnunga Kangpokpi PS OC dingin va zawm tang a tih.

Phungzathang Tonsing
Member
Manipur Legislative Assembly



KUMTHAK MESSAGE

Salem House, Paite Veng
Airport Road, Imphal
Phone: 0385-245555 (R)

Amasapen in Kumthak 2017 Chibai!
Hun leh kum-te pailiamzel in, Kumthak 2017 a hon pilut I biak Pathian min i phat hi. Laisiangthou in, "Mi kuapeuh Khrist-a a om leh thilsiamthak a hong hi; **thilluite amangta a**; ngai un a hong thakta uhi" ana chi hi. Kumthak ahith toh kiton in, I hondampa Jesu Khrist tungtawn a thakna pansan a mi kipumkhek i hong hih a poimoh hi.

Kum 2016 abei toh kiton in, mihing bukim lou i hiha a hihkhel, bawlkhel i neihte leh chitlouhna tuamtumte khat-le-khat kingaidam tuah chiat ding in i kingen hi. I mihing lui leh hindan luite suahkhia in, ki-en-na, kihuatna, kigensiatna, kampau gilou leh omdan hoihloute tawpsan a, Pathian muanna toh hindan thak, lungput thak, ngaihtuahna thak, lametna thak leh Ki-ittuahna toh Kum 2017 zang chiat ding in i kideihsak hi.

Gam-leh-Nam toh kisai a i tulel dinmun theisiam kawm in, Jesu Khrist min a kingaidam tuahna tungtawn a kipumkhatna, ki-ittuahna leh kithutuahna loungal i kitundingna ding a lampi dang omlou ahihdan phawk in, tua dinga nang leh ken mohpuakna nei i hihlam kiphawk chiat ni.

Khovel a Organisation lianpen UNO in a ngaih poimohpen leh tuppipen tuh Peace & Security ahi. I Laisiangthou ah leng hai toh kisai 400 vei vaal ana kigelh hial hi. I Gam leh i Nam in leng i poimoh uh tua Lemna, Muanna leh Bitna ahi chih i thei hi. Midang kuahiam khat in Gam gamlapi a kipan a hon puak ding thil ahikei a, i Sakhkuana toh kituak a mimal leh Innkuan chih in kikhekna dik leh hindan thak toh panla a, I gam a Lemna, Muanna leh Bitna tunding ding i veka i mohpuakna ahi.

Jesu Khrist tellou in Kumthak in thakna bangmah anei kei a, mihing lemtheihna leh kikhekna leng buaina lei ahi. Huaiziak in, Jesu Khrist a thakna tungtawn a kipumkhatna leh ki-ittuahna pansan in tu kumthak 2017 ahi i mimal hinkhua leh i Gam, i Nam tunding thak nawn ni.

Kum 2017 Mimal, Innkuan leh Gam-le-Nam Chidam kum hong hi henla; Pathian Gam Nnasepna, Siamsinna, Sumsinna, Khotang leh Politics a i lohchin kum uh hong hi leh chih i deih hi.

I biak Pathian in hon vualzawl chiat hen!


(Phungzathang Tonsing)
 Member of Legislative Assembly
 Churachandpur A/C (ST), Manipur.

VAWISUN THUPUI

Pathienin misuol thu a ngai ngai naw ti ei hriet; nisenlakhawm tukhawmin Pathien a ngaisak a, a ditzawng a tahw chun, Pathienin ama chu a thu a ngai hlak.
- Johan 9:31

Editorial

Ei damsung nihai tiem dan thiem dingin

Kum thar January 3, 2017 chu ei hmang liem zo nawk der ta a. Vawisun January 4, 2017 ei hmang tawl nawk seng thei ding nia an lang leini lawm a um. Ei chanchin-bu latu le tiemtuahai po po a tharin Kum Thar Chibai vouchuom kan buk cheu. Kum thar 2017 hi in ta dinga kum tha, malsawmna le hlawtingna kum, hriselna le vang-neina kum, hlimna le lawmna kum hung ni ngei dingin Hmasawna Thar le a staff hai po povin ditsakna insang tak kan inhlan cheu. A chunga ei hrilhai po po ei hmu le dawng theina ding chun mitinin mawphurna le thaw ding ei nei seng ti ruok chu hriet tlat ding a nih. Siemtu Pathienin ei thaw thei taw thaw ding le ei mawphurna hlen seng dingin a mi phut ve tlat a nih. Ditsakna ei inhlanhai ei hmu theina ding chun taimak le ei nun ei hmang thiem a tul a nih.

Mi invet biling ni lo, mi puiting ni tahai ta ding chun kum thar hin lungril thar a mi pek hlak. Chu dungzi chun thil iemani tak tum ei nei hlak. Kum thara thiltum ei neihai hi ei hril suok kher naw khawmin lungril ruk tak chun sukputling ngei tumin hma ei lak hlak. Tum nei hi a tha. Thiltum ei nei thei tanaw chun mihiem hi ei tlass hne hle ta tina a nih. Ei pi le puhai khawm khan thiltum le beisei an la nei hlak. Hi lei hin kum thara chu, chu chu kha kha thawng ka tih an lo ti hlak a, chu chu pasie kum tiem an lo ni hlak. Thangthar-hai lai khawm New Year Resolution or New Year programme nei ei ni deu fur tah. Hi thil hi thiltu le thil lawmna a nih. Tum neinaw hai nek chun tum neihai chun thawfu an nei hlak.

Inruithie suoka intanghai ta ding khawmin kum 2017 chu "Inruithie thang loin" hang ti thei hai sienla nuom a um. Hi thu hi an New Year Resolution ni thei sienla chu nu le pa hai duthasam ning a tih. Inruithie thang lo khawmin hlim thei, lawm thei le lam thei a nih. Thangval pakhat chun, tu kum chu inruithie thang der lovin Christmas le Kum thar ka hmang a, ka nun an hawiin a hili-mum lem a ti a, an dik hle ring a um. Inruithie thang lova Christmas le Kum thar ruoi a kil a vawikhata a ni leini a hringnun siem thatu a hung ni ngei beisei a um. Hi thlangval hi entawn tlak a nih.

Hi thlangval ang bawh hin mitinin kum 2017 hi chu inruithie thanglo dam, khel hril lo dam, mihai dem lo dam, mihai theida hril lo dam, thamna latu ni lo dam, farutu ni lo dam, nu le pa hai phurrik le lunginzingna ni lo damin hang hmang thluon zak thei inla nuom a um ngei el. Hiengang kum khat ei hmang thluonsuok thei chun kum 2018 le a khel tieghai khawm hieng thilhai hi thaw lovin um thei pei ei ta, ei hringnun siem thatu hung ni ngei a tih. Kum thar hi chu a tha nawzawng ni lovin a tha zawng le a hmasawn zawngin hma hang la thlang seng ei tiu. Ei nunah a se lai peini a tha lai hi the-suol tum seng ei tiu.

Tuta kum thar a inthawk sut letin, ei kum hmang ral tahai, ei thawsuokhai, ei harsatna tuok danhai, ei hlawtingna, ei hlawsamna le ei nunphung hung dang-glam tak dan hai inang tawl naw hlang a tih. Amiruok-chu, thil pakhat inang senga Pathien mi pek a um, a chu chu ei "hringna" hi a nih. Khawh milien le mi ropui, mi hminginthang, mi var le mi thiem tak tak thi ta han an nei phak lo "hringna" ei la nei bik hi ei vangnei chun-gchuongna a nih. Ei vangnei bikna hi iengtin am hmang ei tum tawl a? Mani senga ingnat a nih. Ei hmang tha leh mi hamtha ning ei ta, ei hmang suol leh ei daw el ding a nih.

Kristienhai chun a hmasa takin, "Ei damsung nihai tiem dan ding min chuktri la; Varna lungril kan nei pha hielna dingin (Sam 90:12) hi kum bula dinga inhlan na le tuta kum thar thupua hmang thei seng inla nuom a um ngei el. Kum 2017 hunglungah hin nitina ei nun hmang tung pei dan dingah hin, taksala le hringna, hun, ni le thla le kum hai mi petu dit dana hmang hi Ama (Pathien) malsawmna hnar a ni angin, a malsawmna huot dawkna hmangruoah hmang inla a tha awm ie. Lung inzing laia t hangpui vattu hnai zing chu ei Pathien a nih. Chuleiin ti naw mei nih. Sam 46-na hi tu kuma ei ingnatna dingin hmang seng ei tiu.

Naute thla 7 mi well a peitu man

GUAHATI: Nagaon district, Assam-ah nupui pakhatin a naute thla 7 mi well sunga a pei lut. A naute peitu chu Bhanumoti Sarma niin, naute chu a pei le inruolin a thi nghal nia hril a nih. Sarma chu police haain an man a, tuolthamna case inawrtirin jail a khum nghal a nih.

Bhanumoti Sarma chun a naute chu well sunga tla pal niin a hril a. Well chu a rei feet 4 a insanga siem ani leini, naute tlak pal chu thil theilo ani thu Nagaon SP Debaraj Upadhaya in a hril ve thung a. Naute chu minaran nekin a hriselna a tha naw leini, a sungai lungril nasataka a suksawl hlak thu a, nu le pa khawm vavi

Independent Kohran Hla Bu le a Hlahai

-Lallungawi

Dr Lalnghawrlin-in, "Hnam har lemha'n, 'In hnam ro (Cultural treasure) iem a ni a ?' mi ti hai sien chuh, 'Independent Hlabu' ti'n ei dawn seng ka ring" a lo ti hih, hnama mit varna neituhai le kalchar tukvera thlirtuhai chun hniek phawi thak lovin' Amen' ei ti thum dup seng ka ring. Ei hriwawi, kohran kar thil leia ei indaidanna bang chite tehain a sie a tha thlier thei lo khawpa ei mit a sukdel amanih, Sapahain 'a dum thui cha var a nih' an ti khawma thudik pawma pawm tlutna thlarau la paitu le, ei nunphung hi Kristien ingghatna lungphum a nih ti hmu naw lui tlat ei um a ni ngawt naw chun Pu Nghawr hin ring indik a tih. Sakhuona(Kristien) le hnama 'baptisma' changuhai ruok chun, 'Independent Kohran Hla Bu' hih an bi ngun po leh ei 'Hnam Ro' a nizie le a hlutna hmu inthuk deuh deuh an t'a. Pu Nghawr-in, "Ei Bible dawtu a nih" a ti angin, sakhuona tieng ni sien, hnam thil le literechar tieng ni sien, a khaw tieng tieng muola inthawka thlir khawmin 'Independent Kohran Hla Bu' lan zo ding lekhabu dang a um nawh. A sungra ro inphum hi suon le la thar peia khawm la hlu zuo deuh deuh a tih.

Independent Hlahai hi Dr Lalnghawrlin bawkin, "Hmar nun fethlenga Pathien hung inlarna ka ti ringawt el" a ti a. Ei tuolto hlahai hi Prof. Lal Dena khawmin, "Ei nunphunga inthawka to suok vawng an nih" tiin a hril. Sapahai khan, an lutna taphawta hnamhai hnam thil le Kristien chu ui le kel ang thlung hmunkhat thei lo thilin an belhpok a. An lutna ram hnamhai hnam thil hnulsuotin, khawthlang thuum inbelhtir an tum hlak. Ei rama khawm, sakhuo thar hung putluttu khawthlanghai kalcharin ei hnam nunphung ingghatna thawmmawl hai chu thiek tumin a hung hmamiem a. Sap kalcharin a mi run ti naklai, Hmar tawng chu Lusei tawngin chim ral tumin a lo bawde ran bawg. A khing a khingah, chungang thilin ei hnam a hung run lai chun, sakhuo le hnam thila mit varna nei, chungtieng varnain a'n thuum Pathien mihain ei sukthlek le ei thluk dan milin hla an hung puok a. Ei zie mila hung pieng tuolto hlahai chu, mihmasahain hla bu siem an inchoon a. Chu hla bu chu 'Independent Kohran Hla Bu' ei ti hi a nih.

'Independent Kohran Hla Bu' hung piengna hi sawt rei a ni ta a; Pathien zara hnam le tawng damna dinga hung inruisok a nih. Hmar Tlangval, H. K. Dohnun-in ei ram kohran hotu lu nina a hung chel khan, "Pathienin Hmar tawng hi a siem a nih. Ei ni thu a ni nawh" tiin, Hmar t awng hmang a hung uorpu i. A phut chun Kristienna amanih, kohran le inzawma thilthawna phawtah Lusei t awng an chelek a. Sapahai itukdawl zo lo Hmar pasaltha, Hmar Khawbng Dohnun-in mani tawng inzapui der lova Pathien thu hrilna le hla phuokna dinga zalen taka hmang dingin mihai a'n fui a. A hotu lu taka inthawka phalna hmu ta chun Pathien naw tu mitmei veng ding um ta nghallo, Hmar tawngna Pathien thu hrilin hla khawm an hung puok ta pei a. Kum 1923 khan Hmar tawngna hla bu hmasatak chun an sut tan a, chu tum chun kawpi 300 lai zet an sut nghe nghe a nih. A tam lemin 'Independent' ti thumal umzie khawm ei hriet hman' 'Independent Kohran Hla Bu' ei ti hih a lo mawng tan der an' ta chuh. 'Independent Kohran Hla Bu'-a khawm kum 1923 hi sut tan kum tiin a' ni ziek kuou hrim a nih. Hi hla bu sutnaa a'n rawtu hi, mi thenkhat chun Edwin Rolands(Zosaphar) kha niin an hril a. A ieng khawm chu ni sien, hi hla bu piengna dinga sulsutu tak chu Rev. H.K.Dohnun niin a'n lang. Hla bu sutna dinga sum tuoktu tak khawm ama hih niin an hril.

Hmar Hla Bu hi kum 1928 khan a vawihinna dingin kawpi 500 an sut nawk a. Ei ram kohran a pakhat 'Independent Kohran' ti a hung ni kham, Hmar Hla Bu chu anni' an rochung a. Harna a thung zeuh zeuh zing bawk leh, hla chu ruopui van awn angin a surin a hung sur a. Chatlak um mang lova hla thar a pieng pei lei chun an sut zat in hla thar an inchoon belse a, an suklien pei a. Kum 1935 khan a vawitnumna dingin kawpi 2000 zet an sut ta a; hla khawm 200 lai a tling tah. Kum 1935 inthawk chun 'Independent Kohran Hla Bu' tiin a hmang khawm an hung thlak ta a nih. Hmar hla bu sut a ni hma hin, Marka ziek ti naw chuh Hmar tawngna lekhabu puitling sut a la um naw niin a'n lang a. Bible hih, sakhuona Kristien nei hnamhai ta ding chun an litererach ingghatna bulthut a ni seng a. Ei hnam litererach-ah khawm hmun insang tak a hluo ti hih ei inphat nawh a. Tawng le litererach tiengna a tangkaina hi hril nep chi ni naw nih. Amiruokchu, Bible bu sung thu hin ei hnamin thawlawm ei nei ve hlek nawh. Hmar Hla Bu, a hmungna Independent Kohran Hla Bu ni ta ruok hi chu ei irawm suok thu le hla a ni tlat leini hnam thil le litererach inkhina bukluung hmanga inkhi chun Marka ziek nek in a buk a khin lem daih a nih. Chuleiin, Independent Kohran Hla Bu hi zieka lietererach ei hung inthanna bulpui pakhat a tling a. Sir dang danga inthawk thlirin a hlutna hi tawngbau pakhat pahnia hril el seng a ni naw leini ngaituo sut el ei tih.

Hmar hla bu an zui tan ding lai khan, Pu Thangneilain R.Sankey-a mi hla thenkhat a'n let an inchoonsa a. Amiruokchu, Sap hla inlet awm hmu ding a um ta naw leini a hmungin an pei nawk a ni ring a um. Hranghluhain Lusei tawngna an lo puok thenkhat ruok chu, a hnungin Hmar tawngin an sie nawk a nih ti hriet thein a um. Hmar hla bu siemna a bik taka mawphurtu(Committee) ding mumal taka an insem tan kum hi chieng takin ei zuk hril el thei nawh a. Rev. Thangngur le Pastor V.T.Kappu hai hi membâr hmasa pawl an lo nih a. Lusei tawngna hla an lo phuokhai khawm iemaizat chu Hmar tawngin an lo inlet ngei a nih ti Pastor V.T.Kappu tawngbau hrilawng ding khawm a um a. Chubakah, Rev. Thangngur hla phuok hmasatak, Lusei tawngna a phuok chu, 'Hringna inthieng siemtu an dit nawh Zaionah' tiin Hmar tawngin 'Independent Kohran Hla Bu' namber 53-naah a chuong. A umzie chuh, Independent Kohran Hla Bu hlahai hih, Hmarhai kutsuok deuh vawng a nih a. Mizoram tiengna ei unauhaiin Lusei tawngna an phuok ei inlet a'n zep nawh tina a nih.

Pathien Thlarau ibuok, ei irawm suok le ei nunphung phawkdawk zo hla nih a. Ei rilrem zawng le ei nunphung thleka Pathien ei hang inpak hi a tak bik a; khuong leh kam chim inruoi dapa ei hang lengkhawm dup dup dam hin chu vanram tlafulo amanih rawm sawnin chwawna tuikamah ei leng der der thei hlak a ni hi ti. Independent Hla Bu namber 14-na, 'Khawvella hin lai tamtak an hung pieng tah' ti hla tha tak el a phuoktu hming inchoon thei lova ei um khawm hi a pawih a. Mi thenkatin R.L.Kamlala phuok niin an belh nawk nghal a, a zie naw khawp el. Mi thenkatin Rev. Thangngur phuok a ni ringin sut nawka

chu a phuoktu Rev. Thangngur hming inchoon ni ngei ta sien an ti bawk a. Mi thenkhat nawk thung chun, a tu phuok khawm ni lovin Sap hla inlet ni dingin an zelain a. Ei hriet ve reng reng ding chu, Lusei hla phuoktuah hlahuok chuongna Kristian Hla Thar Bu hi Hmar hla bu pieng hnung daih, kum 1930-a kha an sut tan ve chauh a n'a. Chu hma chun ei la hril hi Hmar hla buah a um el thei tah. Chun, hla bu meua inchoon ding chun a phuoktu manih, a sutuhai phalna lak hmasak tul a t'a. Mi phalna la ding si chun, hla tha a tam em em vei leh hi hla pakhat chauh inchoon phalna la ding an inkeibuoi ring a um naw leini Kamlala phuok ni thei naw nih. Lusei tawngna mi inlethai chu Kristien Hla Thar Buah sak senglo a um. Ei hril tak ang khan, Independent Hla Bua hlahai hi khaw tieng inthawk khawm ni lovin ei ram ei hnam kutsuok lieu lieu an nih. Pu Thangneilain Sap hla a'n let hlak khah, R.Sankey a n'a. R.Sankey-ah hi hla hi Sap tawngin a um si naw chun Sap hla inlet a ni thei bawk nawh.

R.L.Kamlala phuok a angna chu, Lusei tawngna 'Piang/pian' hmanga thenkathah Hmar tawngna 'suok' ti thumal ei hmang hi a nih. 'Suok' ti thumal hmangna hi a Hmar hla mi thenkhat lungbuo zan nawna le, Rev. Thangngur phuok a ni ringnawtuah thangsana a nih. Hi hlaa 'suok' ti thumal hmangnahai hi hang ngaimaw a, tawng kallhmang indik lo hulhuola hang ngai ding a ni m'aw? Ei tawngna hin 'suok' ti hi kawk pakhat chauh a nei nawh a, kawng dang danga hmang thei a nih. "Hla thar pieng mumal ta lova a re tlawk tlawk hnungah thangthar hlahuokthiem an hung 'suok' zet chun hla ruopui a hung sur nawk ta a" ti ta inla, thangthar hlahuokthiemhai hung pieng thu huomsa siin, thanghlu muol an liem hmanga khawm ei Zaipuhai zara ei hnam vangneina le, thangthar hlahuokthiemhai hi Pathien hmangruo an nizie zuk ngaituo theiin a um a. Thangthar hlahuoktuah hung piengna khelah, mi narân hung pienghai naw angin thil an inlungtir ti ei hmuh. Chuong ang deuh chun, hi hla phuoktu hin 'pieng' ti thumal a hmang zet hnung 'suok' ti thumal a hmang ti ei hmuh. Isu 'pieng' thu hrilna le ni zing siin, mihiem pieng narân hai ang ni lova khawvel thim elvartu dinga Isu hung inlang thu a hrilna ni'ng a tih. Thim lak kul thiek a, suol saltangna laka inthawka mihiemhai inthla zalenna ding a, khawvel lal hung pienghai naw anga tlawm tak si, a'n tlan mihiemhai ta dinga ropui tak ni sia. Lal Isu a hung 'suok' thu hrilna niin a'n lang a. Khawvel lal hung pienghai laka a danglamna le, Isu hung piengin a ra suok thlir le hmu thein a um.

'Pheisen ral' ti khawm hi ngaimaw a, thleng kuol a tul hrin nawh. Hla hi thlarau thil a n'a, ei pur inthuk po leh ei pawnlangezie ei hmu deuh deuh el hi hla thiltawtheina a nih. Ei hang bih a, ei tla rawng rawng el hlak leini ei thlir nuom hla tamtak khawm puitling lovin ka'n hlamzuitir ta rawp reng a nih. Thu tlawtmei chauh hmanga thu tamtak an hril thei hi hlahuokthai ropuina a ni hrim a. 'Pheisen ral' ti umna hla thar pakhat chauh hin a funkhawm tam hle'n ka hriet. Hnuoi lahai dodalna karah Isu pieng ding le pieng lai vel boruok ram tin a mi'n thlirtir a. Herod-in, naute Isu chibai buk tumhai chung a thu rawl ruk a tlawi hnungah a lungen suol zuingin Isu chu that tumin a la hnavtzui a. Herod ral lienin, a sipaihai khawm a, nu le nau thlaphang khék ri so veng vung dam. Josef le Mari'n thlaphang taka naute Isu an tlânpui dawr dawr lai dam mithlala a hung inlang a. Chuong ang harsatna tinrêng kara Isu hung him piel dan hi ngaituo chun, Pathienin mihiemhai a hmangaina hung luongliemin a'n lungtir a nih ti naw thei a ni nawh. Isu chu Pathien nau an naw'm ti manih, Isu thil tuok po poah a Pathienna hmu lien a, a mihiem nina hmu naw lui tlat a tuorna hmu nepu hai chun van zai lo rempui ve a harsa hrim a. Bethlehem le Kalvari zunah mi an inuoi lai khawmin a sevêla lo invir buoi a awlh hrim a nih. Isu hi mihiem hai anga hung insemieng, mihiem ituok thei po po tuok vein, harsatna tamtak tuorsuokin mihiemhai inlan dingin hnuoiha a hung tum a nih. Hi hla thar pakhat chauh te hin, Isu hi do le ral kara a hung pieng thu hrilin; khaweng a hung hmu tan hlima inthawk a thi chena mihiemhai ta dinga a tuorna zozai hmuhin mi'n an sak phat leh an hnuk a'n bawk hlak a nih.

'Khawvella hin lai tamtak an pieng tah' ti hla hih Hmarhai phuok a nih tia ei suol thluk ta si chun tu phuok am ni ta'ng a t'a leh? Hmar hla tha phawt phawt Rev. Thangngur hla phuoka belh vawng ding a ni naw lai zingna, a kuthnung danghai leh inuana an nei leini Rev. Thangngur phuok a ni ringna ka nei ve. 'Suok' ti kha a sep suol niin lo ring ta inla khawm a hlahuok danghai leh an inuana a tam el. A reng chun hril tul lova ngai ei t'a. Rev. Thangngur hla phuokhai hi an inhlawm tha a, an thangruol em em deuh vawng. Ama hi a kamchim a'n dik a, thil hi a bat batin, indawt zatin a hril thlak dap dap hlak. Ieng tieng thlir khawm hril sien, a kara a keihnavktu tlazep um lovin a bula inthawk a tawng chenin thupui pakhat hnuoiha a khum a. 'Khawvella hin lai tamtak an hung pieng tah' ti hla khawm hi, chang tinhai hin pehel kuol thak lovin Isu pieng thu an mi kawkhmu a. Isu pieng thu le, Isu pieng lai vela thil thlungai chu a dawt dawta inzawtin, chuonghai hmang chun sarmawna a thlak a nih. A hla danghai leh khâikhin hman ro, a hla dang ang bawkin a tawngkam hin kil le kap a khaw khing nawh. A rurêl amanih, a ruongâm a hang sawi vel dan le a piengzie hrim hrim hi hang enin Rev. Thangngur kuthnung zawngna a po der a. A hla danghai phirpui dek dek a nih. Ei hlahuoktuah hin Isu tlawmna nun an hmu chieng em em; Isu tlawmna nun chun an mihiem chapona po po a hlip thlak a, an tlawm rawng rawng a. Hla an phuok hrim hrim hin a hnuoi hrul khun an hung dawng a; mihiem thum hnuoina hmu, mihiemna tieng a tlak fai retna hmuna inthawkin inpha hnuoi takin an hung phusuok hlak. Chuleiin, an hlahai hi hring naw ding ziezang a ni nawh. Rev. Thangngur hi thlarau tieng a paw inthukzie chu mi tin hriet a nih. A hlahai hin, mihiemna thilin hnuhma a nei nawh a; ei hang sak amanih, ei tiem khawmin ei tla rawng rawng hlak hi tie maw. Hi hla châng tawp a, Isu, vawisun hin kan lungril bawng in tlawmah, Insieng thar nawk la nang kan chatuon lai dingin; Kan kut inrieng hi Mari kut angin ngai la, Kumkhawtuongna lawmin hlim kumkhuo ta'ng kan tih tia, thuhnuoirawl taka Pathien hmaa a hang kum dan hrim hih Rev. Thangngur tawngkam nia mawi a nih. A thu hang vuokthlak dan mawli hi Rev. Thangngur hlahuok a nizie suklangtu niin in ring ve naw maw? 29.12.16

MES Grade-II & III Officers and Asst. Inspector of Schools Transfer and posting

- MES GRADE-II OFFICERS
- 1. S. Khumukcham, as Asst. Director in Directorate of Edn. (S)
 - 2. Thaimai Bansa, as DI, ZEO, Tamenglong
 - 3. Yengkhom Achouba Singh, as DI, ZEO, Kakching
 - 4. Rajkumar Makaohi Singh, as DI, ZEO, Zone-I, Imphal West
 - 5. Xavier Longmei, as DI, ZEO, Senapati
 - 6. K. Bimolchand Singh, as Asst. Director in Directorate of Edn. (S)
 - 7. Nongthombam Ranjit Singh, as DI, SEO, Zone-IV, Bishnupur
 - 8. Sanasam Mangi Singh, as DI, ZEO, Zone-III Thoubal
 - 9. A. Anilkumar Singh, as Asst. Director, Directorate of Edn.(S)
 - 10. L. Muhinikumar Singh, as DI in Office of DI, Moreh.
 - 11. N. Chingkhel Singh, as DI, ZEO Wangoi
 - 12. Sapam Tomba Singh, as DI in office of DI, Saikul
 - 13. Smt. Lhingneikim Kipgen, as DI in ZEO, Kangpokpi
 - 14. Lalhminglien, as DI in the office of DI/Tamei
 - 15. Gaidonlung, as DI in ZEO, Tamenglong
 - 16. R. Thomas Koren, as DI in ZEO, Chandel
 - 17. Dijuaneiyang, as DI in ZEO Ukhrul.
 - 18. Pukhrambam Tiken Singh, as DI in ZEO, Chandel.
 - 19. Meeni Sinam, as AI in ZEO, Zone-I, Imphal West
- MES GRADE-III OFFICERS
- 20. Mayanglambam Rakhesh Singh, as AI in ZEO Kakching
 - 21. Naorem Pakasana Singh, as AI in ZEO Pherzawl
 - 22. Sairem Mangi Meitei, as AI in ZEO, Senapati
 - 23. Namojam Khogendro Meitei, as AI in ZEO, Wangoi
 - 24. Th. Brojen Singh, as AI in ZEO Wangoi.
 - 25. Mainsam Biramongol Singh, as AI in Zone-III Thoubal
 - 26. G. Bhawandev Sharma as AI in ZEO, Zone II Imphal East
 - 27. A. Dhanamanuri Devi as AI in ZEO, Zone-IV Bishnupur
 - 28. Nekholun D. Haokip as AI in Office of DI, Moreh
 - 29. Y. Lokendro Singh as AI in ZEO, Chandel
 - 30. M. Nabachandra Singh as AI in ZEO, Zone-II Imphal West
 - 31. K. Biswajit Singh as AI in the Office of DI, Lilong
 - 32. Toijam Vikram Singh as AI in ZEI Jiribam
 - 33. L. Henboi Misao as AI in office of DI, Tamei
 - 34. T. Priyakumar Singh as AI in ZEO Zone-III Imphal East
 - 35. K. Anil Singh as AI in ZEO Zone-I Imphal West
 - 36. L. Sharat Singh as AI in ZEO Kakching
 - 37. M. Phalneichong Haokip, as Zone-II Imphal East
 - 38.Kadi Rongmei, as AI in ZEO, Tamenglong
 - 39. Lhingtinneng Singsit as AI in ZEO Kangpokpi
 - 40. L. Solomon as AI in ZEO Senapati
 - 41. A. Abonpu Christopher as AI in ZEO, Tamenglong
 - 42. Demkhosei Haokip, AI in ZEO Kangpokpi
 - 43. N. Roma Devi,as AI in ZEO, Zone I Imphal West
 - 44. Atom Gunamani Devi, as ZEO Zone-IV, Bishnupur
 - 45. Deepa Thingbajiam, as AI in ZEO Zone-I, Imphal West
 - 46. K. Purnachandra Singh, as AI in ZEO, Jiribam
 - 47. E. Soibamcha as AI in ZEO, Zone-I, Imphal West
 - 48.Th. Pratima Devi, as ZEO, Wangoi
 - 49. Kh. Binodini Devi, as ZEO Zone-III, Thoubal
 - 50. Tamphaibemna Devi N. as AI in the Office of DI, Lilong
 - 51. Y. Nonglen Meitei, as AI in ZEO, Kakching
 - 52. L. Manileima Devi as AI in ZEO, Zone-IV Bishnupur
 - 53. O. Sandhyarani Devi as AI in ZEO Zone-III Thoubal
 - 54. Bidyarani Sarangthem as AI in ZEO Zone I Bishnupur
 - 55. W. Lakshmiyari as AI in ZEO Kakching
 - 56. Khaiminlian as AI in the Office of DI, Henglep.
 - 57. H. Nirmala Devi as AI in ZEO Zone II Imphal East
 - 58. N. Bandhyarani devi as AI in ZEO Zone-IV Bishnupur
 - 59.W. Zeinith Chanu as AI in ZEO, Zone I Imphal West
 - 60. L. Kamala as AI in ZEO, Zone I Imphal WEST
 - 61. Th. Amurashi Chanu as AI in ZEO Zone-III Thoubal
 - 62. Ingudam Dhanapriya as AI in ZEO Zone I Imphal west
 - 63. J. Lamkhohat Haokip as AI in ZEO Ukhrul
 - 64. Khumanthem Chaibi Devi as AI in Office of DI Lilong
 - 65. Sanjay Naorem, as AI in the Office of DI Lilong
 - 66. Majida Begum as AI in ZEO Zone II Imphal East
 - 67. Hrangpam Starson Anal as AI in ZEO Chandel
 - 68. Thenkhogin Haokip as AI in office of the DI, Saitu Gamphazol
 - 69. Shinita Jajo as AI in ZEO Ukhrul
 - 70. Hubert Thangkhantal Haokip as AI in ZEO Tengenpual
 - 71. Kalingsuliui Pamei as AI in ZEO Noney
 - 72. Jangkhoahao Haokip as AI in ZEO CCPur
 - 73. Esther Chingneikim as AI in ZEO, CCPur
 - 74. Serto Daisy Kom as AI in ZEO, Zone-IV Bishnupur
 - 75. Seiminlal Hangersing as AI in the Office of DI, Saikul
 - 76. Morningrose Keishing as AI in ZEO Kamjong
 - 77. Athokpam Bani Meitei as AI in ZEO, zone-II Imphal East
- ASSISTANT INSPECTORS
- 78. Th. Dijendrakumar Singh, AI as AI in ZEO Chandel
 - 79. S. Krishna Das, AI as AI in ZEO, Jiribam
 - 80. N. Sakhi Devi, AI as AI in the Office of Moirang.
 - 81. L. Debendra Singh, AI as AI in ZEO, Zone III Thoubal
 - 82. Kh. Rajen Singh, AI, as AI in office of DI Moirang
 - 83. Md. Hussain Ahmed, AI as AI in ZEO, Tengenpual
 - 84. T. Omila Devi, AI as AI in ZEO, Zone-II Imphal East
 - 85. S.Brojen Singh, AI as AI in the office of DI Moirang.

Employment News

1. Irrigation & Flood Control Department, Manipur hnuoiha Surveyor Post 18 (ST-5+2, OBC-M/MP-3, UR-8); LDC (office Assistant cum Computer Operator) Post 15 (ST-4, OBC M-2, MP-1, UR-8); Driver Post 13 (ST-4); Khalasi post 23 (ST-7) le Peon Post 9 (ST-3) a ruok. Hlaw Surveyor a dingin PB-1 Rs. 5200-20200+GP Rs. 2400 le thiemna HSLC with 2 years certificate course of Surveyor ni a tul. LDC a dingin hlaw PB 1 Rs. 5200-20200+GP Rs.1900 le thiemna Graduate with Computer them DOS+ Window+ MS Office+Multimedia+Internet); Driver a dingin Class X passed, hlaw Rs. PB-1 Rs. 5200-20200+GP Rs. 1900. Khalahadi a dingin Class X passed le Driving licence nei, hlaw S1 Rs. 4440-20200+GP Rs. 1650 le Peon a dingin Class X passed, hlaw S1 Rs. 4440-7440+GP Rs. 1300 a nih.

Application form le thu chienglem chu www.manipur.gov.in ah hmu thei ning a tih. Form hi Feb. 7, 2017 a inthawk lak thei le Feb. 13, 2017 chenin peklut thei ning a tih.

2. Staff Selection Commission of India (SSC) huoi-hawtnain Multi Tasking Staff (Non Technical) post 8300 lakna dingin recruitment huoihaw a tum. Pay Scale : Rs.5200-20200/-, Grade Pay : Rs.1800/- a nih. Inhnikna neihai ta dingin SSC website: www www.ssconline2.gov.in OR http://sscregistration.nic.in. fethlengin Dec. 31, 2016 a inthawk January 30, 2017 inkar sungin online application peklut thei ning a ta, thu chieng lem- http://ssc.nic.in/SSC_WEBSITE_LATEST/notice/notice_pdf/mtsfinalnotice301216.pdf a hmu thei ni bawk a tih.

2. United India Insurance Company (UIIC) hnuoia Assistant Post 17 a ruok. Thiemna Graduate ni a tul. Pay Scale Rs. 23000/- a nih. Inhnikna nei hai ta dingin website: www.uic.co.in fethlengin 30.12.2016 to 07.01.2017 sungin online application peklut thei ning a ta, thu chieng lem https://drive.google.com/file/d/0B6C81pgOsvzIq0szZelyTlI5WTg/view ah hmu thei ning a tih.

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote:Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

CHANCHIN
LAKTAWI

Parliament Budget
Session Jan. 31 a
inthawk

NEW DELHI: Zanita Union Cabinet Committee on Parliamentary Affairs Committee meeting chun Parliament Budget Session chu January 31, 2017 a inthawka inthung ding le General Budget chu Feb. 21, 2017 a phar ding an rel a, hi thu hi President pawmpui dinga thawn ning a tih. Parliament Budget Session hi Feb. 9, 2017 chena nei dinga ti a nih.

Election hun ding
puong ni el thei

NEW DELHI: States 5, Uttar Pradesh, Punjab, Uttarakhand, Goa le Manipur haia Assembly Election hun ding chu wawisun hin Election Commission of India in a puong el thei nia hril a nih.

Helpawl pakhat
kaphlum

JAMMU: Zani zingkar inhama tak khan Baramulla district, Jammu & Kashmir ah security forces le helpawl hai an inkapto a, helpawl pakhat kaphlum a nih. Army le J&K Police a Special Operations hai thanguola operation an nei huna inkaptoa chu tung a nih.

Army le police hain helpawl hai intawma an tung le inruolin, helpawl hain an lo kap nhal nia hril a nih. Hun sawttak inkaptoa niin, helpawl kaphlum baka ralthuom khawm iemanizat an man sa baw. Helpawl kaphlum an chu tu pawl an hril a la ni naw a, Pakistan thangpui helpawl group ni ding an ring thu Army official thusuok chun a tarlang.

RBI in 40% notes
supply dinga hril

MUMBAI: Reserve Bank of India (RBI) in notes print thar hai chu 40% tlangram khuo haia ding pesuok ding Bank hran hran hai a hril. Bank hain notes tlangrama ding an peksuok hai chu tlangrama um mihriem hai mamaw taw ani naw leia RBI in thusuok a siem a nih.

Thusuok a chun, Bank tum tum hai chi abikin notes print thar hai a tam thei ang tlangrama ding pesuok ding le, pawisa note inhuoi lem hai tlangram mi hai tadinga thawn rawn ding a hril baw. RBI in Bank hai chu mipui hai mamaw anga thang la ding in-fuina a pek baw.

Helpawl han Rs. 80
corre an inhmag ph

RANCHI: India sawrkar demonetisation policy lei-in Jharkhand state sunga helpawl group tum tum um han Rs. 80 crore lai zet an inhmag phaa hril a nih. Hi thil hin helpawl group tum tum hai hmalakna nasa takin a sukchau pha ring a nih tiin R.K. Nallicks, Additional Director General, Jharkhand state chun a hril. Helpawhai chun Rs. 20 crore vel chu an overground workers le ditsaktuhai thanguinain note tharin an thlang hman a hril a ni baw.

2030 in science & technology rambung top 3 lai
India thang ve ding: Prime Minister

TIRUPATI: Prime Minister Narendra Modi in India chu kum 2030 in science & technology rambung top 3 hai lai a thang ve ding thu a hril. PM chun Tirupati, Andhra Pradesh a 104th Indian Science Congress hawngna a nei huna a hril niin, scientific hrietna tienga hmasawna dingin, sawrkarin stream hran hran haia thanguina a pek niin a hril. Science chu social welfare ministries hain tangkai taka hmag dinga hrilin, infrastructure hai sukmasawntu le mihriem hai warna le tilna petu ani zie thu a hril.



Khawvel rambung huopa inelna fe mekah, Indian scientific institutions hai chun basic research line sukhratna dinga thang an lak thu PM chun a hril a. Infrastructure le mihriem in wawisuna investment ei

siem hain zinga ding mithiem a hring suok ding thu a hril. Technology tienga thienna insang pei chu ngaiven ding le, a changkang pei dungzuia in rem-siem them dingin mipui hai a fiel baw.

Nagaland-ah AFSPA thla 6 suksei nawk

DIMAPUR: Nagaland ah Armed Forces Special Powers Act (AFSPA) thla 6 dang suksei nawk a nih. Nagaland Home Department in zanita thusuok a siem dungzuin, AFSPA Act 1958 Nagaland a sukseina thusuok chu December 30 a Union Home Ministry in thusuok a siem dungzuia insuo niin, Nagaland sung po po huomin AFSPA chu thla 6 suksei nawk a nih.

Satyendra Garg, Home Secretary, Home Ministry thusuok dungzuin, Nagaland ram sung po po chu hmun ralmuung lo (disturbed area) a sawrkar thlungpuiin a ngai thu le, hmun ti-um tak ani lein,

Army le police hain helpawl hai intawma an tung le inruolin, helpawl hain an lo kap nhal nia hril a nih. Hun sawttak inkaptoa niin, helpawl kaphlum baka ralthuom khawm iemanizat an man sa baw. Helpawl kaphlum an chu tu pawl an hril a la ni naw a, Pakistan thangpui helpawl group ni ding an ring thu Army official thusuok chun a tarlang.

PM chun naupang in-chuklai hai hrietna tienga sukhrasaw an pawimaw thu a hril a. Ideas le ngaituona thar hai an lunglita tu nget pek a pawimaw thu

hrilin, ram hmasawna dinga thanguitu le a hmbak ding humhaltu ani zie a hril. Thutlukna siemna kawng le planning neina ah science a pawimaw zie thu a hril baw. Ni 5 sung aw ding Science congress a chun Nobel laureates thangin scientist hming inthang tak tak hai thang tawlin, a thupui chu 'Science and Technology for National Development' ti a nih.

Arunachal Pradesh a hmun thenkhat chu hmun ralmuunglo (disturbed area) a puong niin, AFSPA dan hmag an nih. Tripura a chun kum 19 sung a um hnungin, May, 2015 khan Left party hai thuoina hnuoia hlip a lo ni tah.

Nagaland a chun, National Socialist Council of Nagaland (Isak-Muivah) le sawrkar thlungpuiin inkap chaw (ceasefire) agreement nein, tum 60 lai hiel inbiekna nei tah in, 1947 a intanin Naga mipui hai zalenna dinga kum 60 sung zet helna thaw in, mi 25,000 zet in hringna an chan pha tah a nih.

ASCI DG dingin R H Khwaja

HYDERABAD: Administrative Staff College of India (ASCI) a Director General dinga ruot thar Rajen Habib Khwaja chun zanita Bella Vista a hunser hmag-hunah charge a lak. RH Khwaja chu 1976 batch IAS officer niin, Secretary to the Government of India, Ministries of Tourism and Mines le Chairman and Managing Director, Singareni Collieries Company Limited (SCL) sin lo thaw hlak a nih.



ASCI chu kum 1956 a intanin, company manager tha tak tak sersuoktu institution pawimaw tak ani a. Institution thiltum hrie zing-in, a hmalakna a hlawtling theina dinga theitawp a suo ding thu Khwaja chun

Mumbai-ah Digi-Dhan Mela tan

MUMBAI: Digital transaction promote-na dinga thaw Digi-Dhan Mela chu zanikhan Mumbai a tan a nih. Digi-Dhan Mela chu Mumbai University campus a thaw niin, online transaction thaw dan inchuktina le a thiemnaw hai thanguina nei ning an tih. Additional

charge a lak huna a hril. Khwaja chu mi hlawtling tak lo ni hlak niin, SCCL khawm Public Sector Undertaking a inthaw profit making company a lo hlangkaiu ani a. National le International level a hai speaker lo ni tah in, World Bank (Washington DC), Hubert Humphrey Institute of Public Affairs, University of Minnesota, USA le Trinity College, Dublin, Ireland a hai maw-phurna pawimaw tak tak lo chel ta hlak a nih.

Tripura lirhning-ah mi 1 thi

AGARTALA: 2017 kumthara a hmasatakna dingin zani chawhngung dar 2:37 PM vel khan Tripura ah 5.7 magnitude a hratin lir an hning. National Centre for Seismology dungzuin, epicentre chu Dhalai district 28km huom sung niin, Northeast state hran hrana hai khawm lirhning chu hriet a nih.

an um. Mithi chu Kamalini Kanda (50) ani a, lirhning tuor loa lungphu chawla thi a nih. Hliem hai chu lirhning In a sawi sietna a tkelei thla in a deng hliem dam an um niin ei thulakna chun a hril. Dhalai district le North Tripura a Kumarghat ah sawrkar In le mihriem chengna In iemanizat a sawi kak nia hril ani baw.

China Kuomah Russia'n Su-35 Zawr

MOSCOW: US le an in-laichinna siet tieng a pan peia China le inruolthana siemna ding ni fawmin, India leh khawm inruolthana in lai zingin Russia chun Christmas ni tak khan China kuomah indo vuongna tha chi advanced Su-35 fighters pali chu a bul tanna angin a zawr. Su-35 hi India-in Russia kuoma an chaw Su-30 neka changkang a nih.



Tulai hin China chun a vuongnahai a sukchangkan nasa em em a, stealth fighter, khawvela indo vuongna changkangtak khawm chi hni a nei tah a. Tulai hnai khaan stealth fighter changkangtak J-20 chu khawvel hrieta a lo pholang tah a. Tutu Su-35 a indawrna hi China le Russia a ruka an inlanchinna det zie suklangtu a nih an tih.

Russia hin China'n stealth fighter J-20 a siem a ralthuomhai zawr suok vat a ni. Ralthuom zawrna ding zawng zing a nih leiin China a tan bek bek lei khawm nih lovin a thaw a t ul a nih, tiin Moscow official thusuok chun a hril ve.

INHRIETTIRNA

Dated, the 2/1/2017
Mi tukhawm (L) J. Ralhnellen, s/o (L) Neisung Saikawt a INHMUN Plot No. 130/865 Jamabandi, a neitu hrietlo le phalna boa in chawk le Banda phal an nawh. Hi thu pawisa nawtuhai chu a nat thei anga hrem ning an tih.

Sd/- Mr Jebulon
Saikot Vengthar
Churachandpur Manipur
Ph. No. 872988435

MOLAWM DINGA FIELNA

Pathienin rem a ti chun hung tung ding January 6, 2017 (Zirtawpni) 11:30AM hin kan naupa Tv. James Zolinsang Joute of Rengkai le Nk. Lynda Singthangpui, d/o (L) Dr Lalchuoilo Tusing, Thailane, Rengkai hai chu Kohran Dan in Rengkai ICI Biekian ah an innei ding a nia, an inneina mi hung uop ding le lawma program J.J. Plaza, Rengkai Road-ah mi hung hmagpui dingin ngaina takin kan fiel cheu.

Ei Chanchinbu 'Hmasawna Thar' hmanga fielna kan hung siem hi mimal tin fielna anga mi ngaipok dingin kan ngen cheu.

- Fieltuhai-
1. L. Hmingsang Joute (Pa)
2. Lalngathlien Joute
3. Jugesware Joute (Zawlp)
4. L. Remvel.

TAITHU BJP UNIT JOINT MEETING

Dt. 29-12-2016 zan hin Pu Zothanglawr In-ah Pu Ngursanglur Pawl le Pu Lallukhum Pawl hai joint meeting nei a ni a. Chu taka chun BJP ticket chang lem mel a fe thlang ding ti ngaitu a ni a. Chu taka fekhawm hai chun tha an ti tlang lein lunginruol takin BJP ticket chang lem mel a fe thlang dingin rem an ti tlang a. Rem an titlang inentirmain an ban chang tieng an phar seng. Chun, Vawk pumkhat thatin thlaithlang an awt tlang. Hmating peiah khawm hma lak tlang pei ning a tih.

A hnuoia Signature petuhai hi party pahni aiaw hai an nih.

- Pu Dr L. Fimate
1. Zothanglawr
2. Lalringthang
3. P.T. Khama
4. R.T. Khuma
5. Rohmingthang
6. Ropelien
- Pu Ngursanglur
1. J. Sangkhum
2. Th. Lumpi
3. Zothanglien
4. C. Sangkung (S.K)
5. Roneisang
6. Lalmingthang

India rama Biogas Bus a hmasatak



KOLKATA: Thautui hmag loa mihriem le ran ek a inthawka siem gas hmagta tlan ding Bus chu zofel tep ani tah. Uldadanga le Garia inkar 17 kms a hla tlan ding bus chu siem niin, India rama dinga a hmasatakna a la nih. Ek hmagta tlan ding bus chu Delhi hmuona Tata Motors Chassis hain an siem mek ani a, hmasatak ensinna nei ani zo pha, Kolkatta lampui hran hran 12 haia tlan ding la siem belsa nawk ning a tih.

Biogas hmagta tlan Bus chu kum 2 liemtah khan UK ah hmag tan ani a. Kolkatta a hmag tan ding hin, biogas 1 kg in 20 km tlan thei a ta, a man chu Rs. 30 chau a nih. A gas man a tlawm lein, a chuong man khawm tlawm hle dinga hril niin, a tanky ah 80 kg thun thei niin, 1,600 km a tlan thei ding a nih.

Biogas hmagta tlan bus chu Phoenix India Research and Development Group company hmalakna a siem a nih. A. Jyoti Prakash Das chu chairman le managing director niin, botany a Ph.D zo le kum 8 zet biogas le inzawma sinthawna nei ani tah. Biogas bus chu sawrkarin eco-friendly a promote-na thanguitu ding le, man tlawmte a khawpui sungah mihriem an inlawm theina ding beiseina leia siem ani thu Das chun a hril.

Biogas hmagta tlan bus chu kum 2 liemtah khan UK ah hmag tan ani a. Kolkatta a hmag tan ding hin, biogas 1 kg in 20 km tlan thei a ta, a man chu Rs. 30 chau a nih. A gas man a tlawm lein, a chuong man khawm tlawm hle dinga hril niin, a tanky ah 80 kg thun thei niin, 1,600 km a tlan thei ding a nih.

Mamata Banerjee in PM Modi in a man inhuomin chona a siem

KOLKATA: TMC MP Sudip Bandopadhyay CBI in a man-na le inzawmin, West Bengal Chief Minister Mamata Banerjee chun Prime Minister Narendra Modi chu demonetisation dotu hai belitna dinga CBI, ED le Income Tax department hai a hmag tangkai nia intumin, Trinamool Congress MP po po ama khawm thangsa a man dingin chona a pek. Notes hnawlna chungthua protest an nei chu sunzawm pei a la ni ding thu a hril baw.

Banerjee chun Lok Sabha a an party thuoitu Sudip Bandopadhyay chu man ani a ring ngai naw thu a hril a. Modi in TMC MP dang hieng Abhishek Banerjee, Sovan Chatterjee (city mayor) le Firhad Hakim (minister) hai khawm man a la tumna thu information a nei niin Banerjee chun reporter hai a hril.

WASHINGTON: Khawvelin an thlir US President thlang-thar Donald Trump chun Twitter ah Kum Thar chibai bukna thu post-in thuthar hlathar a siem nawk a, a mizie rorum tak le a tawngbau thlum nawzie a tarlang nawk tah. Ama tantuhain an lawm zing laini khawvel mi tamlem chun President suok ding Obama thucha an lawm lem a hawih.

CHILDREN'S RETREAT
CHURACHANDPUR
2017

JANUARY 9 - 13, 2017
HSA CAMPUS, RENGKAI
Transportation will be provided from Sielmat, Khawmawi, Saidan, Saikot & Muolbem
PROGRAM WILL BE IN ENGLISH
FOR MORE INFORMATION CALL +91 7627918932
A youth Service will be held Wednesday, Thursday & Friday at 5:30pm

ENGLISH GRAMMAR THIEM
NUOMHAI TA DINGIN
(70 Days' English Grammar Course in Hmar)
Tulua in chuklaiha'n harsatna an tuok lien tak chu Sa'ptawng an thiemtawknawna hi a nih a. A san lien tak nia inlang chu English Grammar an thiemtawknaw lei a nih. English Grammar hi Class V-a inthawka in chuk tan ni si, an thiem naw tlat hi a san a um a: Hmar tawnga hrilfienna an dawng naw lei a nih. Chuleichun, Hmar tawnga English Grammar in chukna, Batch 2 (Pawl 7 & 8 le, Pawl 9 & 10) hai ta dingin January 10-a inthawk khin 70 Days' English Grammar Course in Hmar, Ruoiel Pangamate Compound, Rengkai Road, Rengkai-ah tan a ni ding a nih. A ngaiven nuomhai ta dingin -
Dates for registration: January 04 - January 09, 2017
Number of Seats:
Class VII & VIII: 10 Course Time: 1 PM (Only January 2017)
Class IX & X: 10 Course Time: 7 AM (Only January 2017)
Course Fee: ₹ 3,000/- (Advance-a pektlak a ngai)
** Seat 10 ve ve bak lak thei a ni nawh.
** Inthiemti ngei ngei dinga in chuktir tum an ni lein, a thiem nuom tak tak naw chun, ngaiven ngai naw nih.
** Contact No. 700524412 / 9862402286

Petrol, Diesel le LPG man a kaisang

NEW DELHI: January 1, 2017 khan Indian Oil Corporation (IOC) chun Petrol, Diesel, ATF le LPG Subsidised man hai a sukpong. Hi dungzui hin Petrol man litre khatah Rs. 1.29, Diesel 97 paise, Aviation Turbine Fuel (ATF) 8.6 percent le Subsidised LPG cylinder (14.2 kg) pakhat peiah Rs. 2 pein a kaisang. Petrol hi thla khat sunga a man kaisang a wawithumna, Diesel hi haptakar hni sunga a wawihni kaisangna le LPG hi July, 2016 a inthawka a man wawiriet a kaisangna a nih. Rate thar dungzui hin Delhi-a chun Petrol litre khatah Rs. 70.60 le Diesel Rs. 57.82 a ni tah. A hma chun Rs. 68.94 le Rs. 56.68 an nih. Petrol le Diesel man haia hin state in sie a lak ding a la thangsa naw lein a man hi tuta nek hin an sang lem ding a nih.

Zu thalo dawn lein mi 6 thi

BURDWAN: Burdwan, West Bengal-ah zu thanaw dawn lein zanikhan mi 6 in an thi pha a, midang 36 hai chu hospital a enkawl mek an nih. Tlangram khuo Ramgopalpur a thil tung niin, damnaw hai laia 18 hai chu an ngirhmuo a derthawg hlea hril a nih. India state hran hran haiah zu thanaw dawn leia thi tulai hin an tam hle a. Ram puo Pakistan le a dang danga hai khawm zu thanaw dawn leia hringna chan hriet ding an um zeu zeu baw.

India state hran hran hai lai Uttar Pradesh ah zu thanaw dawn leia thi an um inzing tak nia hril ani a. Nikum July thla sung khan Etah le Farrukhabad ah 34 an tling a nih. Zu thanaw dawn leia damnaw mi 100 neka tam hospital a enkawl an ni baw a nih.

Donald Trump-in Kum Thar Chibai



Hienglai zing hin President Obama khawmin Facebook ah video hmagin thucha a thawn ve a, hieng ang hin: "In President anga sin ka thaw thei hi ka lawm hle a. Tuhin citizen ka nina anga thaw ding pawimawhai thaw dinga sirbi thar ka remna dinga hin, eim ram lo indintu hmasahain an indin san ang taka mitin inluktlang a hamt hawna inchen ei nei seng theina dingin nangni leh iengtiklaikhawm, in kalpen tinah ka thang ve pei ding a nih ti lo hre unla. Obama sungkuo a inthawkin in rengin - Kum Thar 2017 chibai!" tiin a post a, mi tamtak lunglir a hne lem niin an lang, tiin CNN chun a hril.

IMPHAL/STATE NEWS

VDF- hai election le ROP duty-ah an thang naw ding

IMPHAL: January 5, 2017 chena an hlaw sukping pek an ninaw chun election le ROP duty haiah an thang naw ding niin All Manipur VDF Welfare Association Spokesperson Meishnam Somananda chun January 2, 2017 a Manipur Press Club, Majorokhul, Imphal a Press meet hun a hril. VDF hai hi thla khatah hlaw Rs. 4,000 pei le ration money Rs. 1,000 pei seng pek an nih. An duty hi Manipur Police or Commando hai ang thova rik le sawlthu a ni lein Manipur Police or Commando hai hlawzat pe ve dingin state sawrkar an ngen a nih.

January 11 chen Police Custody-a la um dingin

IMPHAL: UNC President Gaidon Kamei le UNC Information and Publicity Secretary Sankhel Stephen Lamkang hai chu January 2, 2017 khan Chief Judicial Magistrate (CJM) Imphal East hmaah inlangtir an ni a, bail a suok dinga an ngenna chu Court in a hnaw! a, January 11, 2017 chen Police custody-a la um nawk dingin an chungthu a rel nawk. Hi hi Tadubi Police Station le inzawma an case a ni a, Nungba Police station-a an case le inzawma chun January 16, 2017 chena lungina intang dinga Court in a lo rel ta sa a nih.

UPSC chairman thar dingin Syiemlieh



NEW DELHI: Union Public Service Commission (UPSC) chairman thar dingin David R Syiemlieh ruot a nih. Syiemlieh chu President Pranab Mukherjee in a ruot niin, IAS Officer Madhya Pradesh cadre Alka Sirohi kuta inthawk wawisun charge la in, a sin thaw tan ngah a tih. David R Syiemlieh chu Academician ani a, lekhabu tam tak zien tah le historian ani baw. Inghukna tieng chu St. Edmunds College, Shillong ah History (hons) graduate niin, North Eastern Hill University (NEHU) ah MA, M.Phil le Ph.D hai a zo baw. NEHU a history department ah professor sinthaw le, Head of Department (HoD), Academic Dean le mawphurna hnan hnan hai chel tah niin, Rajiv Gandhi University, Doimukh, Arunachal Pradesh a Vice Chancellor sinthaw a nih.

Sam Hunt le Hannah Inhuol

LOS ANGELES: Grammy Award nominee le country singer inlar Sam Hunt chun hun sawttaka inthawka a lo inzuipui tah Hannah Lee Fowler chu dan ang taka inhuolpui a tum tah niin Hunt a palai chun *The People* magazine a hril.



Kum 32-a upa Sam Hunt hin a ngaizawngnu Hannah Lee hi thup a tum char char hlaka, a thlalak le hmel khawm social media haiah thei tawpa thup a tum zing laiin tulai hnaia an music track thar tak "Drinkin' Too Much" ah tlawmte hmu thei dingin an thangtir a, tlang hriet a hung ni tan tah a nih.

A ngaizawngnu sikul kai lai kuomah "I hming tlang hrieta ka lo pholang lein paw ka ti h. Privacy i dit ti khawm ka hriet. I laka thil ka lo thaw suol a ni khawma i mi ngaidam ka nuom. Hieng hla i mi pekhai lei hin i sikul fee loan popo khawm ka rulpek che i nuom ngei ka beisei" tiin a ngaizawngnu an huolpui ding Fowler kuomah thucha ang deuin a hril baw. Sam Hunt le Fowler hi an lo inzuina a sawt taa chu an chanchin le thlalak (lim) lak fuk ding a la um nawh a. Tuta tum hin holiday an hmgang lai in an lo lak fuk hlak a, vantlang hrieta dinga an pahni thlalak umsun hai laia mi a nih.

The Beatles Bultumtu Allan Williams Thi

LONDON: *The Beatles* hai an indin tan tir laia an hla inghukna le thang khawna ding hmun lo petu le lo buoipuitu Allan Williams chu Zirtawpni kum 86 mi niin a thi. Allan Williams hin 1958 lai khan Liverpool le Hamburg, Germany ah Jacaranda tiin Rock and Roll music inchuk nuomhai hmgang ding a lo hawng a. *The Beatles* hai khawm hi taka inthawka seilien an nih.



William hin America tienga inthawka Rock and Roll music-in a hung hne tan lai khan Britain a inthawka Rock and Roll band an suok theina dinga thalaihai chawkpurna ding le thangpuina dingin a hmun hi 1960 khan a siem a. *The Beatles* le *The Rolling Stones* hai khawvel hriet khawpin an hung suok ngah a nih.

Kum 1976 khan *The Beatles* hai le an inlaichin dan le chanchin hai a ziekna "The Man Who Gives The Beatles Away" ti lekha a siem a, zawr a fe hle. Martin chun, "William legacy hi kum tamtak sawt tak a la fe pei ding a nih. Ama anga rock and roll music tieng thaw hlak hi an tam nawh" tiin a hril. *The Beatles* bassist Paul McCartney chun, "William hi hla phuok dinga mi titu le mi siemlientu a nih a. *The Beatles* kan in-siem hma, tleirawl pawisa pek ding kan nei naw lai khawma a in min hmgangtir a, thei tawpa mi siemtu, mi ropuitak le motivator thatak a nih" tiin a hril. Allan Williams hin a nuhmei Beryl le a nauhai Justin le Leah a thisan a nih.

Karena Kapoor Account Hacked A Nih

MUMBAI: Tulai India sawrkarin "Cashless society" hrimlawin, online transaction (e-payment) a hrimlawi zing laiin internet hmanga iengkim puong le thaw hi a tha tak a ni dim ti zawna um tasa le lungril himawna sukzuoltu dingin Bollywood actress Kareena Kapoor IT Account chu awlsam tea 'hacked' a nih.



Mak tak chu, central paramilitary forces-a mi pakhat chun film star Kareena Kapoor a mobile phone number a dit lein online ah a zangw a. Social Media profile le a thei ang ang a zangwna chun Kareena Kapoor-in online-a Income Tax a pek dan (IT Account) a lut fuk pal a, chutaka in-

hawkin Ms Kapoor IT Account thuruk po po chu a hriet/phawrlang tah a nih. Kareena Kapoor a chartered accountant-in police a report dan chun, mi tuin amanih Ms Kapoor Income Tax e-filling (account) an lo hacked a, thuruk popo an lo lak suok tiin a hril a. Cyber crime department-in dingin Bollywood actress Kareena Kapoor IT Account chu awlsam tea 'hacked' a nih. Mak tak chu, central paramilitary forces-a mi pakhat chun film star Kareena Kapoor a mobile phone number a dit lein online ah a zangw a. Social Media profile le a thei ang ang a zangwna chun Kareena Kapoor-in online-a Income Tax a pek dan (IT Account) a lut fuk pal a, chutaka in-

Angelina Jolie'n Nauhai Leh Kum Thar

LOS ANGELES: A pasal Brad Pitt leh an inthea a nauhai ama'n a enkawl vawng dinga a umpui hnunga a hmasatakna dingin Angelina Jolie chun a nauhai sukhlimna dingin Kum Thar tuk khan Crested Butte, Colorado ah vura intawl (ski) inchuk malamin hun hlimtum tak a hmangpui tawl a. An hlim tlang hle niin *E News* chun a hril.



Angelina hin Brad le an inthea hnungin a nauhai vur intawl an inchuka holiday dam an hmgangna dingin tiin Rocky Mountain, Colorado tlang sipa in pakhat an chawka a. Vura intawl (skiing) an inchuk hlak a nih. Kum Thar tuk hin a nauhai laia Zahara, Vivienne le Knox vura intawl dan an chuktir a. A la naupang deu hai chu ice-cream le thumhnaw thar chi hnan hnan an inchawka an hlim hle.

Shiloh lem chu a hlim hle tiin *The Daily Mail* chun a zieklang.

Hienglai zing hin Brad Pitt ukil chun Court ah motion thar putlutin, naupanghai chanchin le an pa chanchin (treatment) thawna document hai inthupir dingin a ngen nawk. "Angelina Jolie hin a pasal hlui le nauhai chanchin hi a thup naw a, inremna an siem angin confidential-in thil a thaw nawh" tiin a hril a. "Angelina Jolie hin an chanchin tlang hrieta a suok nawna dingin a mimal thilak khawm invengna tha tawka a ni.

Hi thua hearing nawk chu January thla tawp tienga nei dingin court chun a rel.

Gospel Singer Kim Ngaidam Inhni Nuomlo

HOUSTON: Gospel Singer Kim Burrell chun, lesbian le homo abikin mawngkuo-hurhai hih lungril bulbal nei lo, mi pangai lo, khawtlangin a ipawm lo an nih tia Love & Liberty Fellowship Church, Houston biekina a thuhri leia ngaidam inhni dinga mi tamtak ngenna chu hnawlin ngaidam an hni naw ding thu a puong.



A thuhri video record hi social media (online) ah thedar a nih a. Mi tamtak, abikin lesbian le homo han an lo hmu a, ngaidam inhni dingin an hrila chu "Ngaidam inhni lo ding" (no excuses or apologies) a ti h, a thuhri a naw zangwa hril sawng an um niin a hril.

Ka hril nawh a. Pathienin hieng ang suol hi a theida a, kei chun mihai ka hmangai thu ka hril lem a nih" tiin a hril.

"Pathienin suol hi a theida a, abikin hurma suol. Kei chun hieng ang mihai hi ka hmangai a nih" tiin a hril. Kim hi a ruolnu Pharrell leh Ellen DeGeneres in a host TV show ah hla sak ding an nih a. DeGeneres khawm hih lesbian a nih. Anachu, hi thua hin ngaidam iengkhawm a la a nih.

SAFF Women Championship final kai



SAFF Women's Football Championship 2017 fe meka chun, India Team chun Nepal hai chu 3-1 a hnein final an lo inpetkai tah. Inkhel tan tira inthawk Indian Team hai an khel tha hlea, an khingpui hai chu hngengde char charin first half tawp tawp tep chun Kamala Devi in goal nal tawktak hung thunin India team hai chun goal 1 in hma an thuoip. Second half khawm chun hma hung thuoip nawk peiin 58th minutes-ah Indumathi goal hmangin India haiin goal ni zetin hma an thuoip zawm nawk peita a nih. Nepal hai khawmin a sie bat chu thung ngei tuming thung an hung lak vea, vangneithlak takin palnalty hung hmuin minutes 75na chun consolation goal an hung thun ve ta a nih. India hai chun pangai takin hung inkhel zawm nawk peiin, minutes bo tawp tep-83 minutes chun Sasmita Malik chun goal khat hung petlut nawkin India hai chun final an lo inpet kai ta nih. Indian Coach Sajid Dar chun 'player hai thangruol lei liu liu a nia, mala zuk hril bik ding khawm an um nawh. Goal Keeper inthawk, stiker chenin an sil an hnesaw seng a nih,' tiin a team hai an pak thu a hril.

Commonwealth Games Medallist Pinki Jangra Pro Boxing-ah



Kar tam khawm la liem hman loa world champion lo nita hlak L Sarita Devi in pro-boxing tieng lut a tum hnungin Commonwealth Games bronze medallist Pinki Jangra chun professional tieng a lut ding thu a suktluk tah. Jangra hin Indian Boxing Council (IBC) hai commercial arm, professional boxer dinga lincence nei-Sporty Boxing Private Limited hai chu sui keina a lo nei fel pui tah. Jangra hin amateur tieng panga a hmalakna hai khawm bansan loin, la sunzawm zing thung a ti h. Pinki hin 'professional line tieng lut lang khawm, amateur tieng pang chawlsan chung nawg ka ta. Kumthara Asian le Commonwealth Games um dinga khin inkhel ve ngei ka tum a nih. Professional-a ka lut hi ka tha a hrat nawk suol theina ding le tuorselna ka nei thei dinga lut ka nih. Flyweight a hin la um hri ka ta, ka fethlung pei chun thla-thum, thla-lu seng hin national levela hai inkhelin chun zova, Asian le world title hai ka hung cho tung pei ding a nih,' tiin a hril. Pinki hin mi tam tak hne zen zen ngailo, khawvel hrietlar hlaw em em Mary Kom chu amateur circuit-ah a lo hne ve ta a nih.

Sports:

ENGLISH PREMIER LEAGUE MONDAY NIGHT RESULT REVIEW

Manchester United chun mi 10 inkhingpuuin top four an hnai deu deu laiin Champion mek Leicester City chun Middlesbrough bang an bawdar zo nawh

Kum thar nihni zan eini tieng kum thar lawm leh lengkhawm ei inri nuoi nuoi karah England tieng chun Premier League an lo sunzawm zing a. Manchester United chun an Goal machine Zlatan Ibrahimovic le Spanish thiempuipa Juan Mata hai hmangin goal hniin hrata an chang. First Half chenhaw Goal thun an um bik naw a, game tana inthawka minute 15 na chauh muol neitu West Ham tieng Sofiane Feghouli chun Red Card a hmu ngah leiin inkhel hun sung a tam lem chu mi 10 chau thangan an hmgang zo ta a nih. Hi dungzui hin Manchester United hai hi palina - Arsenal hnuoi charah point 2 a tawm lemin Tottenham leh an um a, point 39 ve ve an nei a, Arsenal hi anni nekin vawikhat an khel tawm lem baw. West Ham ruok chu 13 na an la ni zing ve thung.



thun leiin anni ta ding chun point khat chau khawm a hlu tawk hle. Hi dungzui hin Liverpool chu pakhatna - Chelsea neka point 5 a inhuoi lemin pahna an ni mek a, Sunderland ruok chu a 18-na an ni ve thung. Liverpool tienga goal thuntuhai chu Daniel Sturridge le Sadio Mane an ni a, Sunderland tieng ruok chu a pahniin Deniel Defoe thun ve ve a nih. Goal pahni hai hi Penalty ve ve a ni baw. Manchester City chun Burnley tiengin Ben Mee hmangin goal an hung thun ve thung leiin 2-1 hun tawp chen an inkhel ta a nih. Hi dungzui hin Manchester City chu pathumna niin Liverpool hnuoi charah an um a, Burnley ruok chu Mid table-ah umin a 11 na an ni mek. Manchester ta dinga thu lawmum dang chu Liverpool haiin point pahni an inhmang kha a nih, hi lei hin an hnai tung suol pei hri phawt a nih. League Champion lai Leicester City chu Middlesbrough tieng an van zin ve thung a, hrat ngei ngei tumin bei hai sienkhawm Middlesbrough tieng defense an paltang zo hlaw naw leiin 0-0 in an inang tawka a, relegate thei ngirhmunah an la um zing. Hi game-a hin Middlesbrough tieng chun Yellow Card pathum an hmu a, ball khawm an chang rawn hle. Champion lai chu vawikhat an muolpho nawk phawt a nih. Middlesbrough khawm tuhin a 16na an ni mek a, relegate thei ngirhmunah an um ve zing tho. Everton chun Southampton lo mikhuol vein awlsam takin an khelmuolah point pathum an lo hmu baw. Everton ta dinga goal thuntuhai chu Enner Valencia, Leighton Baines le Romelu Lukaku hai an nih. Tuhin Everton hi Manchester United hnuoi charah pasarina an ni mek a, Southampton ruok

chun sawmna an mi mek ve thung. Match dangah West Brom chun table mawngpha deuthawa um Hull City an lo mikhuol a, awlsam deuin an lo hne ve leiin Hull City tieng chun mangsiem an la put deu zing ding a nih. Game tana inthawka minute 21 chauh Hull City tieng chun Robert Snodgrass hmangin goal an thun hmasa a, Half chenhaw 0-1 in hma an thuoip a, Seconda Half tan a ni le inruolin Buol neitu tiengin Christ Bunt hmangin an sipur an hung sut nawk ve thung a. Chu hung iemani chenhaw muol neitu tieng bawkin Gareth McAuley hmangin goal hung thun nawkin a tawpah James Morrison in goal dang a thuna leiin West Brom chun awlsam takin 3-1 in hnaen an chang a, point pathum hlu tak chu an table-ah an balsa thei ta a nih.

Manchester City Manager chun a sin a chawlsan hun ding a hnai deu deu thu a puong

Manchester City Manager Pep Guardiola chun a sinthaw (Coaching) tawpsan a hun tah thu le Manchester City bak chu Club dang a enkawl a ring tanaw thu a puonglang. Spanish Coach Guardiola hin Barcelona a enkawl sung khan La Liga Title vawithum an lak a, Champions League vawihni a lakpui baw. Chu khelah Bundesliga tieng Bayern Munich leh a zawnin title vawithum an lak baw. Title a lo lak tahai en chun Coach tha naw zawk zawk an nawh ti chu hriet thei a nih.

Ama ngei khawma Football Coaching tieng mangtha a hun tah tiin chieng deuin a hril. Chun, 'Kum 60 ka chuong pha chu Football inchooktiru chu ka tlin ta chuong naw ding leiin ka hun tawp chu ka hnai deu deu tah ti a chieng tiin a hril baw. January 18, 1971 kuma pieng (tuhin kum 45 a ni mek), Guardiola Football player hlui le Coach hlawtling em em, khawvel Coach laia hlawtling pawl taka ngai a ni baw. Football khel sung khan Defensive Midfielder damin a lo khel hlak baw. Football inkhel a tawpsan deu hlima inthawk Barcelona team B a en-



kawl ngah a, chu hnungkaw kum 2008 khan First Team Manager a hung ni ta a nih. Barcelona ta dinga First Team Coach a ni kumin Trophy pathum a lakpui ngah a, chuonghai chu - La Liga, Copa Del Rey le Champions League hai a nih. Chu kum baw chun Champions League nopui dawm thei Manager naupang tak a hung ni tah a nih. A chu kum nawk chun Super Copa, UEFA Super League, FIFA Club World Cup a lakpui nawk bakah La Liga tieng pahna a nipui nawk baw a nih. Player a ni sung khan a ram ta dingin wavi 45 an khel a, goal ruok chu 5 char a thun hman.

Table with 5 columns: SI No, Player, Country, Team /Goals (Penalty), and a list of top scorers for the SAFF Women's Championship 2017.

Table with 2 columns: Fixture time and Match details for the English Premier League.